

PLATANENSIS *Erethius* alias *Ethecoreus* subscripsit Concilio Nicæno, an à Platano quæ Phœniciæ urbs est, vel ab alia quæ in Syria est Antonino, incertum est.

PRIMOPOLIS Asiæ Antistes *Tribonianus* legitur in Actione 6. Concil. Ephesini.

PYLORUM Chersonesi Episcopus *Cyrillus* est in Concil. Ephesino.

R.

RAPTANUS Præful *Fortunatianus* legitur in Concil. Carthagenensi 1.

RACHLÆNORUM Civitatis provinciæ Tyrionum Episcopus *Anastasius* subscripsit Concilio Constantinopolitano generali quinto.

à ROCO Episcopus *Cyrotus* interfuit Conciliabulo Sardicensi.

1 RUSURRIANENSIS vel Rhufurpensiensis in Mauritania Cæsariensi *Nivellus* Episcopus nominatur in Canonibus Ecclesiæ Afric.

S.

SARTÆ Episcopus *Cæsarius* Concilio Ephesino subscripsit.

2 SCARPHIENSIS Episcopus *Stephanus* est in Concil. Hierosolymit. sub Agapeto & Menna, an à Scarphia Helladis Civitate in Notitia Hieroclis tu videris: alias dicitur Zephyriensis.

SELLARUM Provinciæ Mediæ *Limenius* Episcopus est in Concil. Ephes.

3 SEXANTAPRISTIS in Mysia Episcopus *Polycarpus* dicitur à Socrate lib. 7. cap. 35.

SINNÆ municipii Provinciæ Consularis Episcopus *Victor* habetur in Collatione 8. Synodi 5. Constantinopolitanæ.

STEPHANORUM Præful *Marcianus* in Concil. Chalced. subscriptus legitur, an à Stephane urbe Phocidis Stephano: vel alia Galatiæ Arrhiano in Periplo, & Ptolem. lib. 5. cap. 4. quærat lector.

T.

THEBESTENSIS Antistes *Rumulus* habetur in Concil. Carthag. 1. à Thebesta Africæ propriæ urbe Ptolem lib. 4. cap. 3.

V.

4 VASADENSIS Episcopus *Theodorus* ex Isauria in Concil. Antioch. sub Julio 1. dicitur, qui Vasagadenfis in Concil. Nicæno ex eadem Isauria.

UNNOGORITANUS Episcopus Joannes adfuit Concilio Romano sub Martino. LUCAS HOLSTENIUS.

Z.

ZENORUM Episcopus *Pasinius* legitur apud Socratem lib. 3. cap. 21. forte pro Zenopolis Lyciæ.

ZINICENSIUM Metropolis *Basilus* Episcopus est in Relat. Synodi Constantinop. forte à Zichna Curopalati Macedoniæ urbe Serris proxima & vulgo *Zichne* dicta.

ZOROPASSÆNUS *Anthenus* Episcopus ex Isauria dicitur in Concilio Nicæno, forte à Zoropassa quam Ptol. lib. 5. cap. 7. habet in Armenia Minori Isauria vicina.

NOTÆ LUCE HOLSTENII.

1 *Rusurrianensis*] supra pag. 114.

2 *Scarphiensis*] supra pag. 197.

3 *Sexantapristis*] supra pag. 203.

4 *Vasadenfis*.] Supra pag. 291. &c. est Nausadenfis, vel ut apud Hieroclem Lauzadenfis.

F I N I S.

R r

I N D E X